

Na osnovu člana 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14-isp., 13/14 i 8/15), člana 19. stav 1. tačka 2), člana 21. stav 4. i člana 23. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09 i 44/10), člana 9. Zakona o izvršavanju Budžeta Zeničko-dobojskog kantona za 2015. godinu („Službene novine Zeničko-dobojskog kantona“, broj: 2/15), člana 18. stav (1) Zakona o javnim nabavkama („Službeni glasnik BiH“, broj 39/14), člana 16. stav 2. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona“, broj: 7/10) i člana 3. Odluke o usvajanju Plana javnih nabavki Zeničko-dobojskog kantona u 2015. godini broj: 02-14-12249/15 od 27.05.2015. godine, Vlada Zeničko-dobojskog kantona, na svojoj 15. sjednici održanoj 25.06.2015. godine, d o n o s i

ODLUKU

o pokretanju postupka javne nabavke dugoročnog kreditnog zaduženja Zeničko-dobojskog kantona

Član 1.

(Predmet i vrsta postupka javne nabavke)

Vlada Zeničko-dobojskog kantona kao ugovorni organ, pokreće otvoreni postupak javne nabavke za dugoročno kreditno zaduženje Zeničko-dobojskog kantona u 2015. godini, u iznosu od 28.500.000,00 KM, plus pripadajuće kamate, a u svrhu finansiranja budžetskog deficita Kantona.

Član 2.

(Zakonski osnov)

Zakonski osnov za pokretanje postupka javne nabavke je član 67. Zakon o budžetima u Federaciji Bosne i Hercegovine („Službene novine Federacije BiH“, broj: 102/13, 9/14-isp., 13/14 i 8/15), član 19. stav 1. tačka 2), član 21. stav 4. i člana 23. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09 i 44/10), član 9. Zakona o izvršavanju Budžeta Zeničko-dobojskog kantona za 2015. godinu („Službene novine Zeničko-dobojskog kantona“, broj: 2/15) i član 25. Zakona o javnim nabavkama („Službeni glasnik BiH“, broj 39/14).

Član 3.

(Procjenjena vrijednost javne nabavke)

Ukupna procjenjena vrijednost javne nabavke dugoročnog kreditnog zaduženja Zeničko-dobojskog kantona u 2015. godini iznosi 6.119.738,16 KM.

Član 4

(Izvor finansiranja)

Predmetna javna nabavka će biti finansirana iz sredstava Budžeta Zeničko-dobojskog kantona, predviđenih u Planu javnih nabavki za 2015. godinu pod rednim brojem 70.

Član 5.

(Stupanje na snagu)

Ova odluka stupa na snagu danom donošenja i objavit će se u “Službenim novinama Zeničko-dobojskog kantona”.

Broj: 02-_____/15.

Datum, 25.06.2015. godine

Zenica

DOSTAVLJENO:

1x Služba za zajedničke poslove,

1x Ministarstvo finansija,

1x na uvid – Skupština Kantona,

1x “Službene novine Zeničko-dobojskog kantona”,

1x a/a.

PREMIJER

Miralem Galijašević